



<i>Համարը</i> N 1216-Ա	<i>Տեսակը</i> Հիմնական
<i>Տիպը</i> Որոշում	<i>Կարգավիճակը</i> Գործում է
<i>Սկզբնաղբյուրը</i> Չի հրապարակվել	<i>Ընդունման վայրը</i> Երևան
<i>Ընդունող մարմինը</i> ՀՀ կառավարություն	<i>Ընդունման ամսաթիվը</i> 07.11.2013
<i>Ստորագրող մարմինը</i> ՀՀ վարչապետ	<i>Ստորագրման ամսաթիվը</i> 11.11.2013
<i>Վավերացնող մարմինը</i>	<i>Վավերացման ամսաթիվը</i>
<i>Ուժի մեջ մտնելու ամսաթիվը</i> 12.11.2013	<i>Ուժը կորցնելու ամսաթիվը</i>

Կապեր այլ փաստաթղթերի հետ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀՀ-ՈՒՄ ՍԵՐՄԵՐԻ ՈՐԱԿԻ ՍՏՈՒԳՄԱՆ ԵՎ ՊԵՏԱԿԱՆ ՍՈՐՏԱՓՈՐՁԱՐԿՄԱՆ ՄԻՋՈՑԱԴՈՒՄՆԵՐԻ ԻՐԱԿԱՆԱՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

7 նոյեմբերի 2013 թվականի N 1216-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՍԵՐՄԵՐԻ ՈՐԱԿԻ ՍՏՈՒԳՄԱՆ ԵՎ ՊԵՏԱԿԱՆ ՍՈՐՏԱՓՈՐՁԱՐԿՄԱՆ ՄԻՋՈՑԱԴՈՒՄՆԵՐԻ ԻՐԱԿԱՆԱՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության կառավարության 2010 թվականի նոյեմբերի 4-ի N 1476-Ն որոշման N 2 հավելվածի 20-րդ կետի դրույթները՝ Հայաստանի Հանրապետության կառավարությունը **որոշում է**.
Հաստատել Հայաստանի Հանրապետությունում սերմերի որակի ստուգման և պետական սորտավորման միջոցառումների իրականացման ծրագիրը՝ համաձայն հավելվածի:

Հայաստանի Հանրապետության
վարչապետ

S. Սարգսյան

2013 թ. նոյեմբերի 11
Երևան

Հավելված
ՀՀ կառավարության 2013 թվականի
նոյեմբերի 7-ի N 1216-Ա որոշման

Ծ Ր Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՍԵՐՄԵՐԻ ՈՐԱԿԻ ՍՏՈՒԳՄԱՆ ԵՎ ՊԵՏԱԿԱՆ ՍՈՐՏԱՓՈՐՁԱՐԿՄԱՆ ՄԻՋՈՑԱԴՈՒՄՆԵՐԻ ԻՐԱԿԱՆԱՑՄԱՆ

I. ԻՐԱՎԻՃԱԿԻ ՆԿԱՐԱԳՐՈՒԹՅՈՒՆԸ

1. «Սերմերի գործակալություն» պետական ոչ առևտրային կազմակերպությունն իրականացնում է՝

- 1) բոլոր գյուղատնտեսական մշակաբույսերի նոր սորտերի և հիբրիդների փորձարկումներ, հարմարվող և արդյունավետ սորտերի ընտրություն.
- 2) երկրագործության վարման տեսանկյունից գյուղատնտեսական մշակաբույսերի արդյունավետ, հարմարվող սորտերի և սերմերի որակի ճիշտ գնահատում.
- 3) տարբեր մշակաբույսերի՝ տնտեսապես արդյունավետ սորտերի օգտագործման թույլտվության ձևակերպում և սերմնաբուծության վերահսկում.
- 4) գյուղատնտեսական մշակաբույսերի տեղական և արտասահմանյան նոր սորտերի փորձարկումներ և դրանց համեմատում արտադրության մեջ արդեն մշակվող սորտերի հետ.
- 5) Հայաստանի Հանրապետության բնակլիմայական պայմաններին հարմարվող, առավել բերքատու և որակյալ արտադրանք ապահովող սորտերի ընտրություն.
- 6) տեղական արտադրության և ներմուծվող սորտերի սերմերի որակի գնահատում.
- 7) գյուղատնտեսական մշակաբույսերի ցանքերի մշակության և խնամքի գիտականորեն հիմնավորված համակարգերի իրականացման վերաբերյալ խորհրդատվություն և կիրառում:
2. 2005 թվականից «Սերմերի գործակալություն» պետական ոչ առևտրային կազմակերպությունը «Մելեկցիոն նվաճումների պահպանության մասին», «Սերմերի մասին» և «Սպառողների շահերի պաշտպանության մասին» Հայաստանի Հանրապետության օրենքների, ինչպես նաև Հայաստանի Հանրապետության կառավարության 2002 թվականի հունիսի 2-ի N 25 արձանագրային որոշման կատարումն ապահովելու նպատակով իրականացնում է գյուղատնտեսական մշակաբույսերի նոր սորտերի փորձարկումներ (4 մեթոդով), սելեկցիոն նվաճումների հայտերի փորձաքննություններ, դրանց արտոնագրում, տալիս է տնտեսապես օգտակարություն ապահովող սորտերի օգտագործման թույլտվություն, իրականացնում օրիգինատորների հաշվառումներ, բույսերի նոր սորտերի փորձարկումներ, բույսերի սորտերի ստուգիչ ցանքեր և սերմերի որակական բոլոր ցուցանիշների գնահատումներ, նորմատիվային փաստաթղթերի մշակումներ:
3. Մատուցվող ծառայությունների շրջանակի նկարագրությունը տրվում է ստորև ներկայացված աղյուսակում.

Ծրագրով առաջարկվող՝ մատուցվող ծառայությունների շրջանակի նկարագրությունը			
NN ը/կ	Ծառայությունների շրջանակի նկարագրությունը	Շահառուների շրջանակի նկարագրությունը	Պետական հատվածի կողմից փոխհատուցման ծավալը
1.	Մելեկցիոն նվաճումների հայտերի փորձաքննություն	Հայաստանի Հանրապետության տարածքում բույսերի սելեկցիայով զբաղվող տնտեսավարող սուբյեկտներ	ամբողջությամբ
2.	Բույսերի նոր սորտերի տեղեկագրի և գրանցամատյանի հրապարակում	Հայաստանի Հանրապետության տարածքում գյուղատնտեսությամբ զբաղվող տնտեսավարող սուբյեկտներ և գիտական հիմնարկներ	ամբողջությամբ
3.	Բույսերի նոր սորտերի ստուգիչ ցանքերի իրականացում	Հայաստանի Հանրապետության տարածքում սերմնարտադրությամբ զբաղվող, հանրապետություն սերմեր ներկրող և իրացնող տնտեսավարող սուբյեկտներ	ամբողջությամբ
4.	Բույսերի նոր սորտերի դաշտային փորձարկումներ	Հայաստանի Հանրապետության տարածքում բույսերի սելեկցիայով և սերմնաբուծությամբ զբաղվող տնտեսավարող սուբյեկտներ	ամբողջությամբ

5.	Սերմերի որակի լաբորատոր հետազոտություններ և փաստաթղթավորում	Հայաստանի Հանրապետության տարածքում սերմնարտադրությամբ զբաղվող, հանրապետություն սերմեր ներկրող, իրացնող և գյուղատնտեսական մթերքների արտադրությամբ զբաղվող տնտեսավարող սուբյեկտներ	ամբողջությամբ
----	---	--	---------------

4. «Սերմերի գործակալություն» պետական ոչ առևտրային կազմակերպությունն իր գործունեությունն իրականացնում է Հայաստանի Հանրապետության պետական բյուջեից հատկացվող նպատակային ֆինանսավորման հաշվին՝ միջնաժամկետ ծախսային ծրագրով նախատեսվելու դեպքում: Ոլորտի զարգացման նպատակով նախատեսվում և իրականացվում են՝

- 1) ուսուցողական դասընթացներ, սելեկցիոն նվաճումների սորտափորձարկումներ, տնտեսական օգտակարության գնահատման դաշտային հետազոտություններ, Հայաստանի Հանրապետություն ներկրվող բույսերի սորտերի ստուգիչ ցանքեր.
- 2) բույսերի նոր սորտերի մասին պաշտոնական տեղեկատվության հրապարակում (600 մամուլ).
- 3) տարեկան շուրջ 10-15 հազ. տոննա սերմերի որակի գնահատման աշխատանքներ.
- 4) գյուղատնտեսական մշակաբույսերի սերմերի հավաստագրում:
5. Արդյունքում նկատելի է աշխատողների մասնագիտական որակավորման աճ, բույսերի նոր սորտերի փորձարկումներն ու դաշտային հետազոտությունները դարձել են ավելի արդյունավետ ու հիմնավոր, արտոնագրվել և օգտագործման թույլտվություն են ստացել շուրջ 75 սորտեր և հիբրիդներ, ապահովվել է դրանց մասին տեղեկատվության հրապարակումը:

II. ԾՐԱԳՐԻ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

6. Ծրագրի նպատակներն ու խնդիրներն են՝
- 1) Հայաստանի Հանրապետությունում բույսերի նոր սորտերի արտոնագրման և օգտագործման գործընթացի կանոնակարգումը, սելեկցիոն նվաճումների իրավական պաշտպանության ապահովումը.
 - 2) հանրապետության բնակլիմայական տարբեր գոտիներում մշակության համար երաշխավորվող բույսերի սորտային կազմի ընդլայնումը.
 - 3) ցանքատարածությունների բուսասանիտարական վիճակի վատթարացման, հիվանդությունների, մոլախոտերի և վնասատուների զանգվածային բազմացման կանխարգելումը: Այս աշխատանքների կատարումը հիմնականում ենթադրում է բարձր վերարտադրության սերմնաղաշտերի ուսումնասիրությունների և արտադրված սերմերի որակի ստուգման հաշվին կանխարգելել գյուղացիական տնտեսությունների բերքի կորուստները՝ անորակ սերմերի օգտագործման պատճառով (վերջիններս նպաստում են մոլախոտերի, հիվանդությունների, վնասատուների բազմացմանը).
 - 4) Հայաստանի Հանրապետությունում բույսերի նոր սորտերի արտոնագրման և օգտագործման թույլտվության գործընթացի կանոնակարգումը.
 - 5) սելեկցիոն նվաճման իրավական պաշտպանության ապահովումը.
 - 6) սերմնաղաշտերի սորտային պատկանելության և սերմերի ցանքային պիտանիության գնահատումը.
 - 7) Հայաստանի Հանրապետությունում արտադրվող բույսերի սորտերի (հիբրիդների) սորտային պատկանելության հավաստումը: Այս աշխատանքների իրականացումը նպատակաուղղված է գյուղատնտեսական մշակաբույսերի սորտերի ու դրանց սերմերի որակի նկատմամբ սպառողների շահերի պաշտպանությանը.
 - 8) տարեկան մինչև 15 սելեկցիոն նվաճումների (սորտերի և հիբրիդների) շրջանացման և օգտագործման թույլտվության ձևակերպումը, շուրջ 14000 տոննա սերմերի որակի գնահատումը: Այս աշխատանքները հանրապետությունում կնպաստեն շուրջ 100000 հեկտար վարելահողերի բուսասանիտարական վիճակի բարելավմանը և գյուղատնտեսական մթերքների քանակի աճի ու որակի բարձրացմանը: Նախատեսվում է նաև իրականացնել մի շարք աշխատանքներ, որոնք նպատակաուղղված են սերմերի որակի գնահատման միջազգային ստանդարտներին համապատասխան չափանիշների ներդրմանը, ոլորտում գործող տնտեսավարող սուբյեկտների համար ուսուցողական և ցուցադրական դասընթացների կազմակերպմանը:

III. ԾՐԱԳՐԻ ԲՅՈՒՋԵՆ

7. Ծրագիրը կիրականացվի Հայաստանի Հանրապետության պետական բյուջեի ֆինանսավորմամբ և օրենքով չարգելված այլ միջոցներով՝ դրանք նախատեսելով միջնաժամկետ ծախսային ծրագրերում:

IV. ԾՐԱԳՐԻ ԻՐԱԿԱՆԱՑՄԱՆ ՄԻՋՈՑԱԴՈՒՄՆԵՐԸ

8. Ծրագրի իրականացման միջոցառումներն են՝

- 1) սելեկցիոն նվաճումների հայտերի փորձաքննությունները, գրանցամատյանի վարումը, օրիգինատորների հաշվառումը, բույսերի տրտերի նկարագրությունների և բնութագրերի կազմումը, դաշտային հետազոտությունների, ստուգիչ ցանքերի իրականացումը, բույսերի սերմերի լաբորատոր հետազոտությունները.
- 2) սելեկցիոն նվաճումների արտոնագրումը, բույսերի տրտային պատկանելության ճշտումը և գնահատումը:

V. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

9. Ծրագրի իրականացումը հնարավորություն կընձեռի տրտափորձարկումների միջոցով ընտրելու և Հայաստանի Հանրապետության գյուղացիական տնտեսությունների համար երաշխավորելու բույսերի նոր, արդյունավետ տրտեր, որոնց օգտագործումը կապահովի բարձր և կայուն բերքատվություն, որակյալ արտադրանք, ինչպես նաև տարեկան շուրջ 100000 հեկտար հողատեսքերի վրա կբարելավվի հողերի բուսասանիտարական վիճակը, ցանքի համար կերաշխավորվեն համալիր լաբորատոր փորձաքննության ենթարկված սերմեր:

**Հայաստանի Հանրապետության
կառավարության աշխատակազմի
ղեկավար-նախարար**

Վ. Գաբրիելյան